

---

## Saopštenje za medije

03.11.2017. Sarajevo

---

### Prezentacija aktuelnih statističkih podataka

U prostorijama Federalnog zavoda za statistiku, 03. novembra 2017. godine održana je press konferencija na kojoj su prezentovani aktuelni podaci iz dvije statističke oblasti:

1. Demografska kretanja u Federaciji BiH (prirodno kretanje i migracije stanovništva)
  2. Rezultati istraživanja u oblasti informaciono-komunikacijskih tehnologija
- U Federaciji BiH je od 2013. godine prisutan negativan prirodni priraštaj, što znači da je veći broj umrlih osoba od broja živorođenih.

Prema raspoloživim podacima o broju registrovanih odlazaka iz Federacije BiH u inozemstvo, koji su dobiveni na osnovu evidencija o promjeni prebivališta/boravišta građana (evidencija se vodi u Agenciji za identifikacione dokumente, evidenciju i razmjenu podataka BiH-IDDEEA), za posljednje četiri godine (2013-2016) odjavilo se 10.041 osoba. Podaci pokazuju da je najveći broj odjava u ovom periodu zabilježen u 2014. godini, tj. 2.849 odjava.

Također, prikazan je podatak da je, kao rezultat kretanja prirodne i mehaničke komponente, prisutan konstantan pad broja stanovnika od 2013. godine do danas. Broj stanovnika u Federaciji BiH 2013. godine (stanje sredina godine) je 2.219.131, a u 2017. godini 2.201.193 stanovnika.

- U 2017. godini provedene su dvije ankete iz oblasti informaciono-komunikacijskih tehnologija kojima su obuhvaćeni poslovni subjekti i domaćinstva.

Istraživanje je pokazalo da 98,3% poslovnih subjekata svakodnevno koristi računare, te da 97,6% poslovnih subjekata ima pristup internetu.

Rezultati provedenog istraživanja pokazuju da 67,8% domaćinstava posjeduje internet priključak. Zastupljenost korištenja interneta prema tipu naselja: gradsko 71,0%, ostalo 60,5%.